



Beasaino Udala

Beasainen, bi mila eta hemezortziko maiatzaren hogeita lauan

BILDURIK

Alde batetik, BEASAINO UDALA, Aitor Aldasoro Iturbe jaunak ordezkatuta, Beasaino Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, IGARLOI ELKARTEA (N.I.F.: G75072843), Felipe Agirre Ugartemendia (NA: 72440183G) Igarloi Elkartearen lehendakariak ordezkatuta, 2012ko abuztuaren 6ko batzar orokorrean hartutako erabakiaren arabera

AURREKINAK

I. Igarloi Elkarateak interesa duten kultur jarduerak egiten ditu.

II. Igarloi Elkarateak Kultur sustapenean biziki laguntzen du, urtean zehar egiteko zenbait jarduera programatuz.

III. Hitzarmen honen helburua Igarloi Elkartearen eta Udalaren arteko harremana erregulatzea da, 2018. urtean zehar zenbait jarduera desberdin egiteko.

BALDINTZAK

LEHENA.- Igarloi Elkarateak irailaren 7tik 9ra Igartza-loinatz auzoko jaietako egitarauko ekintzak antolatzeke eta ordaintzeko konpromisoa hartzen du.

BIGARRENA.- Beasaino Udalak programazioa aurrera eramateko **3.931,50 €**-ko laguntza emango du. Horretaz gain, tranpaldoa jarriko du, irailaren 7an txistulariak eta bost buruhandi, eta bazkarirako, mahai eta aulkiak eta argi-indarra emango ditu.

Udalak ematen duen diru-laguntza bateragarria izango da helburu berdinetarako elkarateak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.

Dirulaguntzen Lege Orokorraren 13. artikuluan xedatutakoaren arabera, Igarloi Elkarateak egiaztatu beharko du ordaindu beharreko zergak, gizarte-segurantzakoak barne, egunean dituela

HIRUGARRENA.- Igarloi Elkarateak bere partaidetza beharrezkoa den beste edozein ekitalditan lagunduko du eta kultur mahaian parte hartuko du.



Igarloi Elkartea
CIF: G-75.072.843



BEASAINO UDALA
ALKATEZIA

LAUGARRENA.- Igarloi Elkarteari dagokio hitzarmendutako jardueri beharrezkoa den publizitatea egitea eta Beasaingo Udalaren laguntza (eta logotipoa) aipatzea beraiek antolatutako jardueri buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.

BOSGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

SEIGARRENA.- Igarloi Elkartek, publizitate bidez finantzatuko dituen diptiko edo beste edozein inprimakiren kasuan, dendariak euskarazko publizitatea eros dezaten ahaleginduko da eta, bestela, publizitatea ele bietara jasotzeko ahalegina egiteko konpromisoa hartzen du.

ZAZPIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

ZORTZIGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko, eta Kultura Batzordeak beren antolaketa gainbegiratu ahal izango du.

BEDERATZIGARRENA.- Beasaingo Udalak Igarloi Elkartek aurkeztutako kontuan hitzarmendutako zenbatekoa sartuko du jarduera burutu baino lehen, eta Igarloi Elkartek urtea amaitu baino lehen udalaren esku utzi beharko du ondorengo dokumentazioa:

- a) **Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua eman.**
- b) **Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.**
- c) **Idatziz sortutako materialaren ale bana aurkeztu beharko ditu.**

HAMARGARRENA.- Hitzarmen hau betetzeari dagokion guztirako, Igarloi Elkartek, Alkatetzak horretarako izendatzen duen pertsona edo pertsonekin izango ditu zuzeneko harremanak.

HAMAIKAGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (Otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkartearen barruan bai eta sustatzen dituzten proposamenak gauzatzeko garaian ere.



Igarloi Elkartea
CP: 0-75.012.041





Beasaingo Udala

HAMABIGARRENA.- Datu pertsonalak babesteko klausula.

- a) 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- b) Elkarreak Beasaingo Udalari datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- c) Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu.

HAMAHIRUGARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

HAMALAUGARRENA.- IGARLOI ELKARTEAK (N.I.F.: G75072843), baimena ematen dio espresuki BEASAINGO UDALARI, Gipuzkoako Foru Aldundiko Ogasun eta Finantza Departamentutik eskura dezan, hitzarmen honetan aipatzen den ORDAINDU BEHARREKO ZERGAK EGUNEAN IZATEAREN baldintza betetzen duela egiaztatzen duen agiria:

☒ BAI

☐ EZ

Eta esandako guztiarekin ados egonik, bildutakoek dokumentu hau urte baterako sinatu dute bikoizturik, goiburuan aipatutako data eta lekuan.



Igarloi
elkartea
CIF: G-75.072.843



